

REGLUGERÐ

um greiðslu gjalda til Próunarsjóðs sjávarútvegsins fiskveiðíárið 2003/2004.

1. gr.

Eigendur fiskiskipa sem fá úthlutað aflaheimildum þann 1. september 2003 skulu greiða gjald er nemur 1.441 krónum á hvert úthlutað þorskígildstönn miðað við verðmætahlutföll einstakra tegunda samkvæmt 3. gr. Gjaldið fellur í gjalddaga með þremur jöfnum greiðslum; þann 1. september 2003, 1. janúar 2004 og 1. maí 2004. Eigandi fiskiskips er fær úthlutun á öðrum tíma innan fiskveiðíársins skal greiða jafnhátt gjald vegna þeirrar úthlutunar. Gjaldið fellur í gjalddaga með þremur jöfnum greiðslum. Fari úthlutun fram á fyrsta ársþriðjungi fiskveiðíársins fellur gjaldið í gjalddaga þann 1. janúar 2004, 1. maí 2004 og 1. september 2004. Fari úthlutun fram á öðrum ársþriðjungi fiskveiðíársins fellur gjaldið í gjalddaga 1. maí 2004, 1. september 2004 og 1. janúar 2005. Fari úthlutun fram á þriðja ársþriðjungi fiskveiðíársins fellur gjaldið í gjalddaga 1. september 2004, 1. janúar 2005 og 1. maí 2005. Fari stjórn fiskveiða krókabáta fram með öðrum hætti en úthlutun aflaheimilda á grundvelli aflahlutdeilda eða krókaflahlutdeilda skal eigandi báts greiða 1.441 kr. af hverju lönduðu þorskígildistönni viðkomandi báts, í tegundum þar sem hann er ekki bundinn aftakmörkunum en sæta ákvörðun um heildarafla, á tímabilinu 1. ágúst 2002 til 31. júlí 2003 miðað við skráningu aflans í aflaupplýsingakerfi Fiskistofu. Miða skal við verðmætastuðla samkvæmt 3. gr. Gjaldið fellur í gjalddaga með þremur jöfnum greiðslum; 1. september 2003, 1. janúar 2004 og 1. maí 2004.

2. gr.

Hafi greiðsla fyrir gjald skv. 1. gr. ekki borist innan mánaðar frá gjalddaga á þann bankareikning sem tilgreindur er á reikningi skv. 4. gr. fellur veiðileyfi viðkomandi fiskiskips niður án frekari viðvörunar. Hæstu lögleyfðu dráttarvextir reiknast á vanskil frá gjalddaga ef ekki er greitt innan mánaðar frá gjalddaga.

3. gr.

Við útreikning þorskígildisstuðla við álagningu gjalda skv. 1. gr. skal miða við eftirfarandi þorskígildisstuðla: Porskur 1,00, ýsa 0,94, ufsi 0,43, karfi 0,50, langa 0,79, keila 0,50, steinbítur 0,68, úthafskarfi 0,54, skötuselur 1,68, gullax 0,36, grálúða 1,44, skarkoli 1,16 þykkvalúra 1,69, langlúra 0,61, sandkoli 0,47, skrapflúra 0,43, norsk-íslensk síld 0,12, síld 0,10, loðna 0,05, kolmunni 0,05, humar (slitinn) 6,74, rækja af Flæmingjagrunni 0,97, innfjarðaraekja 0,46 úthafsrækja 0,72 og hörpudiskur 0,24.

4. gr.

Fiskistofa annast innheimtu gjalda og sendir eiganda fiskiskips reikning vegna gjalda þessa. Á reikningi skal koma fram að um sé að ræða innheimtu á gjaldi skv. lögum nr. 92/1994 um Próunarsjóð sjávarútvegsins sem renni til Próunarsjóðs. Ennfremur skal koma fram úthlutað magn eða viðmiðunarafli viðkomandi fiskiskips, gjald á þorskígildistönn, heildarfjárhæð gjalda, gjalddagar gjalda og aðrir greiðsluskilmálar ásamt númeri bankareiknings sem greiða ber inn á. Gjaldið er ekki endurkræft enda þótt úthlutað þorskígildistönn verði ekki nýtt. Eigandi fiskiskips er gjaldskyldur vegna úthlutaðra þorskígildistonna þótt aflaheimildir verði framseldar á annað fiskiskip.

5. gr.

Fiskistofa skal halda fjárrreiðum vegna innheimtu þessarar aðgreindum frá bókhaldi sínu og skal standa Þróunarsjóði sjávarútvegsins skil á innheimtu gjaldsins eins fljótt og auðið er, þó ekki sjaldnar en einu sinni í mánuði. Þróunarsjóður sjávarútvegsins skal greiða Fiskistofu samkvæmt reikningi kostnað vegna innheimtu þeirrar sem Fiskistofa annast skv. reglugerð þessari.

6. gr.

Reglugerð þessi er sett samkvæmt ákvæðum laga nr. 92/1994 um Þróunarsjóð sjávarútvegsins með síðari breytingum og öðlast þegar gildi. Frá sama tíma fellur úr gildi reglugerð nr. 618, 21. ágúst 2002, um greiðslu gjalda til Þróunarsjóðs sjávarútvegsins fiskveiðiárið 2002/2003.

Sjávarútvegsráðuneytinu, 19. ágúst 2003.

F. h. r.

Arndís Á. Steinþórsdóttir.

Guðríður M. Kristjánsdóttir.